

# CORES, CONTOS & ROCK'N'ROLL con

## Sinopse (\*) (Ver Vídeo)

“Cores, Contos e Rock´n´Roll con Ramona Órbita” chega da man de Pakolas como un espectáculo de pequeno formato onde a interacción coas nenas e nenos, a súa música acompañada por contos e historias, e as cores e debuxos en directo de Laura Romero son o principal atractivo para o público. Esta proposta multidisciplinar crea así unha escena na que non so se pode gozar da música, senón tamén do debuxo e as cores que a rodean. Un espectáculo para todos os sentidos.

**Paco Cerdeira (Pakolas)** guiaranos coa súa forza interpretativa e o seu humor por todo un universo musical, a través da súa voz e guitarra, e contando nesta ocasión co apoio de Laura Romero (ilustradora), dando unha nova dimensión visual coa creación en directo de debuxos con cores que acompañan ás cancións e contos que nelas se recollen, e axudando así a Pakolas na presentación das súas historias e personaxes.

**Laura Romero** é a encargada de darlle vida a todas as súas personaxes, que atoparedes nos seus libros, a través das imaxes e debuxos cheos de colorido.

Pakolas e Laura preséntanos o seu último librodisco, “**Ramona Órbita, a dona do tempo**”, editado en Sonárbore, na Editorial Galaxia (Agosto-2020)

Neste novo traballo contaremos e cantaremos, e debuxaremos a historia de Ramona Órbita, unha muller labrega da Serra do Courel, que posúe unha horta cibernética con patacas automáticas, e ademais ten unha máquina do tempo, o seu mellor invento. Con ela viaxa ao futuro e ao pasado na procura de tecnoloxía para crear un mundo mellor, mais ecolóxico e con enerxías limpas.

Así, a través das cancións, a narración e as cores das ilustracións, imos saltando a diferentes épocas. Ramona viaxa á prehistoria a comer churrasco de mamut con Manolo Cavernario que acaba de descubrir o lume, visita a Leonardo Da Vinci no Renacemento, acode ao Antigo Exipto cun tal Ramsés que lle cheiran os pés, ou conversa cun robot que ten unha Roda Rota que se fai chamar Time, etc, todo ata chegar a Benvidas ao Futuro na que cantamos por unha sociedade mais ecolóxica e concienciada co respecto e coidado á natura.


# RAMONA ÓRBITA

PAKOLAS  
LAURA ROMERO

+ INFO  
LIBRO-CD:  
“Ramona Órbita.  
A dona do tempo”



(\*) “Eu c@nto, ti debuxas con Ramona Órbita” na Rede Ler conta Moito



## Paco Cerdeira- Pakolas (músico)

Paco Cerdeira (Músico, Compositor e Produtor) leva adicándose ao público infantil dende xa fai mais de 15 anos, comezando os seus pasos como membro de **Mamá Cabra** (grupo de música didáctica infantil en galego), do que participou nos seus traballos durante mais de 10 anos continuamente, sendo eixo principal dos espectáculos desenvolvidos en coles, teatros, auditorios, librerías, bibliotecas, feiras do libro, etc.

No ano 2014, dada a súa longa traxectoria, decide formar a súa propia banda de música infantil, e nace así **A Gramola Gominola**, editando así o seu primeiro traballo en Libro-Cd como Autor en Marzo de 2015, "**A Gramola Gominola**" (Editorial Galaxia-Sonárbore). Crea cancións para un proxecto musical totalmente diferente ao visto ata ese momento, tendo como eixe central o Rock and Roll, sendo unha proposta didáctica para os máis cativos da casa. No ano 2017 édítase o segundo libro-disco "**Cancións para desafinar**" seguindo a mesma liña, e no 2019 sae á luz o terceiro traballo da banda, "**Bravas. O rexurdir da luz**", todos coa Ed. Galaxia. Ademais da formidable aceptación do público, acadan o **Premio Martín Códax da Música 2018** ao mellor grupo de música infantil

O seu proxecto máis persoal, **Pakolas**, nace a finais de 2015, no que segue a compoñer para a cativada con letras e composicións propias. O seu primeiro traballo en solitario, "**Pakolas**" (2017), é un librocdo publicado pola Ed. Galaxia, que conta co respaldo do Colexio Profesional de Logopedas de Galicia. Son 10 composicións, nas que tamén trata de traballar a música dende unha nova perspectiva logopédica. Conta con dúas edicións no mercado. En agosto de 2020 sae editado o seu segundo traballo en solitario, "**Ramona Órbita, a dona do tempo**", de novo na colección Sonárbore. Axiña agota a súa primeira edición, tan só cinco meses despois da súa estrea. En Xaneiro de 2021 sae do prelo a segunda edición.

Neste novo libro contaremos e cantaremos a ritmo moi rocheiro a historia de Ramona Órbita, unha muller labrega da Serra do Courel que posúe unha horta cibernética, e ademais ten unha máquina do tempo, coa que viaxa ao futuro e ao pasado na procura de tecnoloxía para crear un mundo mellor, mais ecolóxico e con enerxías limpas. Mestúrase así historia e ecoloxía neste novo librodisco.

*(\*)Dende o punto de vista técnico da música, Paco interpreta en vivo e directo a través da súa voz cantando e tocando a guitarra, e completa o conxunto do espectáculo cunhas bases gravadas de baixo e batería fundamentalmente, que conforman a composición musical.*



## Ficha artística

## Laura Romero (ilustradora)



Laura Romero licenciouse en Belas Artes na Universidade de Salamanca, pola especialidade de pintura, mais actualmente é ilustradora, *urban sketcher* e música. A música e o debuxo, cunha clara perspectiva de xénero, interactúan na meirande parte dos seus proxectos, sendo o máis coñecido **Músicas Galegas Ilustradas (Premio Martín Códax 2020)**, que xorde despois de formar parte da veterana banda de rock Zênzar como baixista. Deste proxecto agroma a idea do que finalmente será **Ferreñas & Rock and Roll (Premio "Luísa Villalta" de proxectos culturais pola igualdade)** que foi editado por Baía Edicións no 2019.

É a ilustradora dos libro-CD do músico de rock infantil "Pakolas (2017)" e "Ramona Órbita, a dona do tempo (2020)", e no ano 2018 comeza a xirar con Pakolas no espectáculo "Cores, contos e rock".

*Dende o punto de vista técnico Laura empregará un cabalete, pinceis, negro con combinación de varias cores e papeis de gran formato para ilustrar imaxes acordes á música, en concordancia con cada unha das cancións do espectáculo.*

## Ficha técnica

Espectáculo: Musical e ilustración en directo

Duración: 50 min

Idioma: Galego

Música e son: Paco Cerdeira (\*)

Ilustración en directo: Laura Romero

Público: Infantil e familiar.

Escenario (\*\*): Ancho: 5,0 m Fondo: 3,0 m Alto: 2,5 m. (Recomendable unha tarima)

Montaxe: 1.5 horas (unha vez descargado). Desmontaxe: 1 hora.

Equipo técnico: (O enchufe de corrente deberá ser de 220 voltios con toma á terra). Equipo de son propio, para un aforo máximo de 150 persoas, adoptando as medidas hixiénico sanitarias de distanciamento social provocado polo COVID. Proxección incluída, consultar(\*\*)

(\*\*) Adaptable a diferentes espazos de celebración, con proxección incluída de dispoñer de pantalla

## Contacto (distribución)

Email: pakolas.cerdeira@gmail.com

Contratación: Paco Cerdeira

Tel: 649 61 18 45 ou 676 22 20 17

## Mais datos

Web: [www.pakolas.com](http://www.pakolas.com)

[www.eleromero.com](http://www.eleromero.com)

Cancións: [www.pakolas.com/cancions](http://www.pakolas.com/cancions)

